



speciala d'enorma muntada.


**E**ra ei il parlament s'exprimius il 2017 claramain a favur d'ina moziun da *Pirmin Bischof*, cusseglier dils stans dalla pcd, per in scamond da contracts da plattafuormas da reservaziun egl internet che camondan als hoteliers prezis exclusivs. Gest quella plattafuormas ch'ei per ils consuments savens ina benedicziun san esser per la hotellaria ina smaledicziun. Cun scumandar allas plattafuormas da reservaziun egl internet, cunzun booking.com, da far contracts che scamondan als hoteliers prezis pli bass sur las atgnas reits, survegn la hotellaria dapli libertads d'agir sin la fiera e da fixar ils prezis da pernottaziun libramein. Aschia duein hotels saver augmentar la cumpart da reservaziuns directas, spargnar cuosts da provisiuns e recaltgar dapli entradas. Gest ella hotellaria mauncan savens las finanzas per investiziuns. Sin il sboz per ina lescha corrispundenta vegn davart dil turissem spitgau ferventamein.

**I**l Cussegl nazional ha decidiu ella sessiun da

Deplorablamein ha il parlament refusau la proposta da cusseglier nazional *Markus Ritter* dalla pcd. El vuleva augmentar las contribuziuns per ils onns 2020–2023 da 220 sin 240 milliuns francs. Cun quei lev augment havess ins sulettamein risguardau igl augment da carischia dils davos onns ellas tiaras jastras, nua che Svizra Turissem ei activa ed impunda daners da reclama. Igl effect ei buca dispoteivels, vegn bein mintga siatavla pernottaziun generada entras la reclama da Svizra Turissem. La pcd ei stada la suletta partida che ha votau serradamein a favur digl augment.

**I**n ulteriur tema da gronda muntada per nies cantun Grischun vegn l'evaluaziun dalla lescha da secundas habitaziuns ad esser ella proxima legislatura. Tier quella lescha drova ei adattaziuns en connex cun ils baghetgs existents. Duas moziuns tier quei tema ch'jeu haiel inoltrau il davos onn vegnan da raschun tractandadas en ina dallas proximas sessiuns dil Cussegl nazional.

**P**er il Grischun eis ei impurtont ch'ils interess dil turissem vegnan representai cun ovras e buca mo cun plaids. Mo declaraziuns vanas tonschan buc. Il turissem, la petga economica la pli impurtonta en nies cantun, sto saver sefidar dalla politica. Aschia fa ei a mi grond plascher che GastroSuisse ha constatau avon paucs meins che la pcd ei la partida la pli attaschada al turissem.



## NOVITADS WWW.RTR.CH

### Dapli gudogn – ma betg dapli daners en cassa

Gudogns en fila han communitgà las vischnancas grischunas questa primavaira e stad. Per part pervi da HRM 2, il nov sistem da contabilitad, che na lubescha betg pli uschè grondas amortisaziuns. Cifras cotschnas eran avont paucs onns anc normalitad en ils quints annuals da las vischnancas grischunas. Uss mussan ellas per part ora bels gudogns. Tut tenor tge vischnanca ch'ins dumonda, vegnan inditgadas autras raschuns per ils gudogns. Per exempel: dapli entradas da taglia, restituziuns da l'auto da posta ch'aveva incassà memia bler subvenziuns, HRM 2, il nov sistem da contabilitad.

Quellas vischnancas che inditgeschan HRM 2, mussan ora dapli gudogns pervi da las amortisaziuns. Il vegl sistem da contabilitad prevedeva amortisaziuns degressivas, il nov sistem lubescha mo pli amortisaziuns linearas, pia gulivas.

### UBS introducescha tschains negativs

Nagut cun gudogns. Spargnaders tar l'UBS cun contos ch'han si dapli che dus milliuns francs, ston a partir dal november da quest onn pajar 0,75% tschains negativs. L'argumentaziun: La fasa da tschains bass vegnia a cuntinuar, uschia che las bancas stoppian pajar vinavant tschains negativs a las



La tratga da salmuns a Lostalio.

### Tratga da salmuns v

La tratga da salmuns a Lostalio en il Mesauc vul engrondir sias capacitads. Ins saja vegni als cunfins da las capacitads, ha ditg *Christopher Shaw*, l'assistent dal manader da la farma da salmuns. Il mument examineschan ils responsabels divers scenaris che vegnissan en dumonda. In lieu adattà fiss dad engrondir sin il terren dasperas la tratga da salmuns existenta a Lostalio, ha ditg Shaw. Terren corre-



### Aura variabla

